

Великий покаянный канон

И чет предстоятель житие преподобныя Марии, статью 1-ю.*

Посем чтец: Гóсподи, помíлуй (трижды). Сла́ва, и ны́не: и чет псалом 50.

Возгашений же Спаси́, Бóже, лю́ди Твоя́: и Мíлостию и щедрóтами: несть.

И абие начинаем Великий канон косо, и с сокрушенным сердцем и гласом, творяще на кийждо тропарь метания три. Песней не стихословим. Глас 6.

Песнь 1

Ирмос:

Муз. Д. Бортиянского
(в упрощенной редакции)

По - мощ - ник и По - кро - ви - тель бысть
мне во спа - се - ни е, Сей мой Бог, и про -
слав - лю Е - го, Бог От - ца мо - е - го, и
воз - не - су Е - го, слав - но бо про сла - ви ся.

* По устойчивой традиции в приходских храмах житие преподобной Марии вычитывают на две статьи, после кафисмы с седальными и после 3-й песни канона. Текст жития см. в Приложении.

В четверток на утрени

Припеваем к тропарям:

The image shows a musical score for a refrain. It consists of two staves: a treble clef staff on top and a bass clef staff on the bottom. The key signature has one flat (B-flat). The melody is written in a simple, homophonic style. The lyrics are written below the notes: 'По - ми - луй мя, Бо - же, по - ми - луй мя.' The first staff contains the vocal line, and the second staff contains the basso continuo line.

(Прочие припевы поются на ту же мелодию)

Откуда начну плакати окаяннаго моего жития деяний? Кое ли положу начало, Христе, нынешнему рыданию? Но, яко Благоутробен, даждь ми прегрешений оставление.

Гряди, окаянная душе, с плотию твоєю, Зиждителю всех исповеждься, и останися прочее предняго безсловесия, и принеси Богу в покаянии слезы.

Первозданнаго Адама преступлению поревновав, познах себе обнажена от Бога, и присносущнаго Царствия, и сладости, грех ради моих.

Увы мне, окаянная душе, что уподобилася еси первой Еве? Видела бо еси зле, и уязвилася еси горце, и коснулася еси древа, и вкусила еси дерзостно безсловесныя снеди.

Вместо Евы чувственная, мысленная ми бысть Ева, во плоти страстный помысл, показуйи сладкая и вкушайи присно горькаго напоения.

Достойно из Едема изгнан бысть, яко не сохранив едины Твою, Спасе, заповедь, Адам: аз же что постражду, отметая всегда животная Твоя словеса?

Каиново прешед убийство, произволением бых убийца совести душевней, оживив плоть, и воевав на ню лукавыми моими деяньми.

Авелеве, Иисусе, не уподобихся правде, дара Тебе приятна не принесох когда, ни деяния божественна, ни жертвы чистыя, ни жития непорочнаго.

Яко Каин и мы, душе окаянная, всех Содетелю деяния скверная, и жертву порочную, и непотребное житие принесохом вкупе: темже и осудихомся.

Брение Здатель живосоздав, вложил еси мне плоть, и кости, и дыхание, и жизнь; но, о Творче мой, Избавителю мой и Судие! кающаяся прими мя.

Великий покаянный канон

Извещаю Ти, Спа́се, грехи́, я́же соде́ях, и души́ и те́ла моего́ я́звы, я́же внутри́ убийственнии по́мыслы разбо́йнически на мя возложи́ша.

Аще и согреших, Спа́се, но вем, я́ко Человеколюбец еси́, наказу́еши ми́лостивно и милосе́рдствуеши те́пле: слезя́ща зри́ши и притека́еши, я́ко Оте́ц, призыва́я блу́днаго.

Пове́ржена мя, Спа́се, пред враты́ Твои́ми, поне́ на ста́рость не отри́ни мене́ во ад тща, но пре́жде конца́, я́ко Человеколюбец, даждь ми прегреше́ний оставле́ние.

В разбо́йники впадый аз есмь помышле́ньми мои́ми, весь от них уязви́хся ны́не, испо́лнихся ран, но, Сам ми предста́в, Христе́ Спа́се, исцели́.

Свяще́нник, мя предви́дев, ми́мо иде, и левит, ви́дев в лю́тых на́га, презре́, но, из Мари́и возсия́вый, Иису́се, Ты, предста́в, ущедри мя.

Агнче Бо́жий, вземля́й грехи́ всех, возьми́ бре́мя от мене́ тяжкое грехо́вное и, я́ко Благоутро́бен, даждь ми слéзы уми́ления.

Покая́ния вре́мя, прихожду́ Ти, Созда́телю моему́, возьми́ бре́мя от мене́ тяжкое грехо́вное и, я́ко Благоутро́бен, даждь ми слéзы уми́ления.

Не возгнуша́йся мене́, Спа́се, не отри́ни от Твоего́ лица́, возьми́ бре́мя от мене́ тяжкое грехо́вное и, я́ко Благоутро́бен, даждь мне грехопаде́ний оставле́ние.

Во́льная, Спа́се, и нево́льная прегреше́ния моя́, явленна́я и сокрове́нная, и ве́домая, и неве́домая, вся прости́в, я́ко Бог, очисти́ и спаси́ мя.

От юности, Христе́, за́поведи Твоя́ преступи́х, всестра́стно небре́гий, уны́нием преидо́х жити́е. Те́мже зову́ Ти, Спа́се, поне́ на конце́ спаси́ мя.

Бога́тство мое́, Спа́се, изнури́в в блуде́, пуст есмь плодо́в благоче́стивых, а́лчен же зову́: Отче щедро́т, предварив, Ты мя ущедри.

Тебе́ припадаю, Иису́се, согреших Ти, очисти́ мя, возьми́ бре́мя от мене́ тяжкое грехо́вное и, я́ко Благоутро́бен, даждь ми слéзы уми́ления.

Не вни́ди со мно́ю в суд, нося́ моя́ дея́ния, словеса́ изыску́я и исправля́я стремле́ния. Но, в щедро́тах Твои́х презира́я моя́ лю́тая, спаси́ мя, Всеси́льне.

В четверток на утрени

Иный канон, преподобныя матере нашея Марии Египетския.

Глас и ирмос тойже.

Припев: Преподобная мати Маріе, моли Бóга о нас.

Ты ми даждь светозáрную благодáть, от Божéственнаго свѣше промышлѣния, избежáти страстѣй омрачѣния и пѣти усérдно твоегó, Маріе, житія крáсная исправлѣния.

Преподобная мати Маріе, моли Бóга о нас.

Приклóншися Христóвым Божéственным закóном, к семú приступіла еси, слáдостей неудержімая стремлѣния оставивши, и всякую добродѣтель всеблагóговейно, яко едїну, исправила еси.

Преподобне óтче Андрее, моли Бóга о нас.

Молїтвами твоими нас, Андрее, избáви страстѣй безчѣстных и Цáрствія ныне Христóва óбщники, вѣрою и любóвию воспевающія тя, слáвне, покажи, молимся.

Слáва Отцú и Сыну и Святóму Дúху.

Пресúщественная Трóице, во Едїнице покланяемая, возьми брѣмя от менѣ тяжкое грехóвное и, яко Благоутрóбна, даждь ми слѣзы умилѣния.

И ныне и прїсно и во вѣки векóв. Амїнь.

Богорóдице, Надѣжде и Предстáтельство Тебѣ поющих, возьми брѣмя от менѣ тяжкое грехóвное и, яко Владычица Чїстая, кающася приими мя.

Песнь 2

Ирмос:

Вон ми, не бо, и воз гла го лю, и вос по ю Хрис -

та, от Де вы Пло ти ю при шед ша го.

Великий покаянный канон

Помилуй мя, Бóже, помилуй мя.

Вонми, Не́бо, и возглаго́лю, землё, внуша́й глас, ка́ющийся к Бо́гу и воспева́ющий Его́.

Вонми ми, Бóже, Спа́се мой, ми́лостивным Твои́м о́ком и приими́ моё тёплое испове́дание.

Согреши́х па́че всех челове́к, еди́н согреши́х Тебе́; но уще́дри, я́ко Бог, Спа́се, творе́ние Твоё.

Бу́ря мя злых обдержи́т, Благоутро́бне Го́споди; но, я́ко Петру́, и мне ру́ку простри́.

Сле́зы блудни́цы, Ще́дре, и аз предлага́ю, очисти́ мя, Спа́се, благоутро́бием Твои́м.

Омрачи́х душе́вную красоту́ страсте́й сластьми́ и всячески́ весь ум персть сотвори́х.

Раздра́х ны́не оде́жду мою́ пе́рвую, ю́же ми изтка́ Зижди́тель изнача́ла, и оттуду́ лежу́ наг.

Облеко́хся в раздра́нную ри́зу, ю́же изтка́ ми змий сове́том, и стыжду́ся.

Возре́х на садо́вную красоту́ и прельсти́хся умом: и оттуду́ лежу́ наг, и срамля́юся.

Де́лаша на хребте́ моём вси нача́льницы страсте́й, продолжа́юще на мя беззакóние их.

Погуби́х первозда́нную добро́ту и благоле́пие моё, и ны́не лежу́ наг, и стыжду́ся.

Сшива́ше ко́жные ри́зы грех мне, обнажи́вый мя пе́рвыя бого-тка́нные оде́жды.

Обложён есмь оде́янием студа́, я́коже ли́ствию смокóвным, во обличе́ние мои́х самовла́стных страсте́й.

Оде́яхся в сра́мную ри́зу и окрoвавле́нную студи́но, течением стра́стного и любосла́стного живота́.

Оскверни́х плóти моея́ ри́зу и окаля́х е́же по о́бразу, Спа́се, и по подо́бию.

Впадо́х в стра́стную па́губу и в веще́ственную тлю, и отто́ле до ны́не враг мне досажда́ет.

Любoвещное и любoименное жити́е невоздержани́ем, Спа́се, предпочёт, ны́не тяжким брёмeнем обложён есмь.

Украси́х плотский о́браз, сквёрных помышлени́й разли́чным обложени́ем, и осужда́юся.

Вне́шним приле́жно благоукраше́нием еди́нем попеко́хся, вну́треннюю презре́в богообра́зную ски́нию.

Вообрази́в мои́х страсте́й безобра́зие, любосла́стными стремлени́ми погуби́х ума́ красоту́.

Погребо́х пе́рваго о́браза добро́ту, Спа́се, страстьми́, ю́же, я́ко иногда́ дра́хму, взыска́в, обря́щи.

В четверток на утрени

Согреших, якоже блудница, вопию Ти, един согреших Тебе: яко миро, прими, Спасе, и моя слезы.

Поползохся, яко Давид, блудно и осквернихся: но омой и мене, Спасе, слезами.

Очисти, якоже мытарь, вопию Ти, Спасе, очисти мя: никтоже бо сущих из Адама, якоже аз согреших Тебе.

Ни слез, ниже покаяния имам, ниже умиления: Сам ми сия, Спасе, яко Бог, даруй.

Дверь Твою не затвори мне тогда, Господи, Господи, но отверзи ми сию, кающемуся Тебе.

Человеколюбче, хотяй всем спастися, Ты воззови мя и прими, яко Благ, кающегося.

Внуши воздыхания души моея, и очию моею прими капли, Спасе, и спаси мя.

Пресвятая Богородице, спаси нас.

Пречистая Богородице Дево, едина Всепетая, моли прилежно, во еже спастися нам.

Иный ирмос:

Ви - ди - те, ви - ди - те, я - ко Аз есмь

Бог, ман - ну о - дож - ди - вый и

во - ду из ка - ме - не ис - то - чи - вый дре - ве в пус -

Великий покаянный канон

ты - ни лю - дем Мо - им дес - ни - це - ю е -

ди - но - ю и кре - пос - ти - ю Мо - е - ю.

Помилуй мя, Бо́же, помилуй мя.

Видите, видите, яко Аз есмь Бог; внушай, душе́ моя, Го́спода вопиюща, и удалися прѣжняго греха́, и бойся, яко неумытнаго и яко Судий и Бо́га.

Кому уподобилася еси́, многогрѣшная душе́? То́кмо пѣрвому Ка́ину и Ламѣху о́ному, каменовавшая тѣло злодѣйствы и убившая ум безсловесными стремлѣньми.

Вся прѣжде зако́на претѣкши, о душе́, Си́фу не уподобилася еси́, ни Ено́са подража́ла еси́, ни Ено́ха преложѣнием, ни Но́я, но явилася еси́ убо́га пра́ведных жи́зни.

Еди́на отвѣрзла еси́ хля́би гнѣва Бо́га твоего́, душе́ моя́, и потопила еси́ всю, якоже зѣмлю, плоть, и дея́ния, и жити́е, и пребыла еси́ вне спаси́тельного ковче́га.

Му́жа убих, глаго́лет, в я́зву мне, и ю́ношу в струп, Ламѣх рыда́я вопия́ше; ты же не трепѣщещи, о душе́ моя́, окаля́вши плоть, и ум оскверни́вши.

О како поревнова́х Ламѣху, пѣрвому убийце! Ду́шу яко му́жа, ум яко ю́ношу, яко брата́ же моего́ тѣло убив, яко Ка́ин убийца, любосла́стными стремлѣньми.

Столп умудрила еси́ созда́ти, о душе́, и утвержде́ние водрузи́ти твои́ми похотьми́: а́ще не бы Зижди́тель удержа́л сове́ты твоя́, и низвѣргл на зѣмлю ухищре́ния твоя́.

Уязви́хся, ура́нихся, се стрѣлы вра́жия, уязви́вшия мою́ ду́шу и тѣло; се стру́пы гно́ения, и омраче́ния вопи́ют, ра́ны самовольных мои́х страсте́й.

В четверток на утрени

Одожди Господь от Господа огонь иногда, на беззаконие гневающее, сожёт содомляны; ты же огонь вжёлга еси геенский, в нёмже имаши, о душе, сожещися.

Разумейте и видите, яко Аз есмь Бог, испытаяй сердца, и умучаяй мысли, обличаяй деяния, и поपालаяй грехи, и судяй сирю, и смирену, и нищу.

Преподобная мати Марие, моли Бога о нас.

Простёрла еси рuce твои к Щедрому Богу, Марие, в бэдне зол погружаемая; и якоже Петру человеколюбно руку Божественную простре, твоё обращение всячески иский.

Преподобная мати Марие, моли Бога о нас.

Всем усердием и любовью притекла еси Христу, первый грехá путь отвращши, и в пустынях непроходимых питающися, и Того чисте совершаючи Божественныя заповеди.

Преподобне отче Андрее, моли Бога о нас.

Видим, видим человеколюбие, о душе, Бога и Владыки; сего ради прежде конца Тому со слезами припадём, вопиюще: Андрея молитвами, Спасе, помилуй нас.

Слава Отцу и Сыну и Святому Духу.

Безначальная, Несозданная Троице, Нераздельная Единице, кающаяся мя прими, согрешивша спаси: Твоё есмь создание, не презри, но пощади и избави мя огненнаго осуждения.

И ныне и присно и во веки веков. Аминь.

Пречистая Владычице, Богородительнице, Надеждо к Тебе притекающих и Пристанище сущих в буре, Милостиваго и Создателя и Сына Твоего умилостиви и мне молитвами Твоими.

Песнь 3

Ирмос:

На не - дви - жи - мом, Хрис - те, ка - ме - ни за - по - ве - дей Тво -

их у - твер - ди мо - е по - мыш - ле - ни - е.

Великий покаянный канон

Помилуй мя, Бóже, помилуй мя.

Огнь от Господа иногда Господь одождив, землю Содомскую прежде попали.

На горе спасайся, душе, якоже Лот оный, и в Сигор угонзай.

Бегай запаления, о душе, бегай содомскаго горения, бегай тления Божественнаго пламене.

Исповедаюся Тебе, Спасе, согреших, согреших Ти: но ослаби, остави ми, яко Благоутробен.

Согреших Тебе един аз, согреших паче всех, Христэ Спасе, да не презриши мене.

Ты еси Пастырь Добрый, взыщи мене, агнца, и заблудшаго да не презриши мене.

Ты еси Сладкий Иисусе, Ты еси Создатель мой: в Тебе, Спасе, оправдаюся.

Пресвятая Троице, Бóже наш, слава Тебе.

О Троице Единице, Бóже, спаси нас от прелести, и искушений, и обстояний.

Пресвятая Богородице, спаси нас.

Радуйся, Богоприятная утробо, радуйся, престоле Господень, радуйся Мати жизни наша.

Иный ирмос:

Ут - вер - ди, Гос - по - ди, на ка - ме - ни за - по - ве -

дей Тво - их под - виг - ше - е - ся серд - це мо - е,

В четверток на утрени

я - ко Е - дин Свят е - си и Гос - подь.

Помилуй мя, Бóже, помилуй мя.

Источник живота стяжах Тебé, смёрти Низложителя, и вопию Ти от сёрдца моего прёжде концá: согреших, очисти, спаси́ мя.

При Нои, Спасе, блудствовавшия подражах, óнех наследовах осуждéние, в потóпе погружéния.

Согреших, Гóсподи, согреших Тебé, очисти мя: несть бо, íже кто согрешит в человецех, егóже не превзыдох прегрешéньми.

Хама óнаго, душе́, отцеубийца подражавши, сра́ма не покрыла еси́ искренняго, вспать зря возвратившися.

Благословéния Симова не наследовала еси́, душе́ окаянная, ни пространное одержáние, я́коже Иа́феф, имéла еси́ на земли́ оставлéния.

От земли́ Харра́н, изыди от грехá, душе́ моя́, гряди́ в зéмлю, точáщую присноживóтное нетлéние, éже Авраáм наследствова.

Авраáма слы́шала еси́, душе́ моя́, дрéвле оста́вльша зéмлю отéчества, и бывша пришельца, сегó произволéние подража́й.

У дуба Мамврийскаго учредив патриáрх Ангелы, наследствова по стáрости обетовáния лови́тву.

Исаáка, окаянная душе́ моя́, разумéвши но́вую жéртву, та́йно всесожжéнную Гóсподеви, подража́й егó произволéние.

Исма́ила слы́шала еси́, трезви́ся, душе́ моя́, изгна́на, я́ко рабы́нино отрождéние: виждь, да не ка́ко подобно что постра́ждеша, ласкосéрдствующи.

Ага́ре дрéвле, душе́, египтяныне уподо́билася еси́, порабóтившися произволéнием и ро́ждши но́ваго Исма́ила, презóрство.

Иа́ковлю лéствицу разумéла еси́, душе́ моя́, явля́емую от земли́ к Небесéм: почтó не имéла еси́ восхо́да твёрда, благочéстия?

Свящéнника Бóжия и царя́ уединéна, Христо́во подобие в ми́ре жити́я, в человецех подража́й.

Не буди́ столп сла́ный, душе́, возвратившися вспать, образ да устраши́т тя содо́мский, горé в Сигóр спаса́йся.

Великий покаянный канон

Запалéния, я́коже Лот, бéгай, душé моя, грехá, бéгай Содóмы и Гомóрры, бéгай пла́мене вся́каго безсловéснаго желáния.

Помíлуй, Гóсподи, помíлуй мя, вопию́ Ти, егда́ прийдёши со Ангелы Тво́ими, возда́ти всем по достоя́нию дея́ний.

Моле́ния, Влады́ко, Тебе́ пою́щих не отвéржи, но ущéдри, Человеколю́бче, и пода́ждь véрою прося́щим оставле́ние.

Преподо́бная ма́ти Мари́е, моли́ Бо́га о нас.

Содержи́м есмь бу́рею и треволне́нием согрешéний; но сама́ мя, ма́ти, ны́не спаси́ и к приста́нищу Божéственнаго покая́ния возведи́.

Преподо́бная ма́ти Мари́е, моли́ Бо́га о нас.

Ра́бское моле́ние и ны́не, преподо́бная, принéсши ко благоутро́бней, моли́твами тво́ими, Богороди́це, отвéрзи ми Божéственныя вхо́ды.

Преподо́бне о́тче Андре́е, моли́ Бо́га о нас.

Тво́ими моли́твами да́руй и мне оставле́ние долго́в, о Андре́е, Крíтский председа́телю! покая́ния бо ты тайнник преизря́дный.

Сла́ва Отцу́ и Сы́ну и Свято́му Ду́ху.

Тро́ице Прóстая, Несозда́нная, Безнача́льное Естество́, в Тро́ице певáемая Ипостáсей, спаси́ ны, véрою покланя́ющияся держа́ве Тво́ей.

И ны́не и при́сно и во ве́ки векóв. Ами́нь.

От Отца́ Безлётна Сы́на, в ле́то, Богороди́тельнице, неискусому́жно родила́ еси́, страна́ное чу́до, пребы́вши Де́ва доя́щи.

Ирмос: Утверди́, Гóсподи:

Ектения малая.

Седален, глас 8:

Свети́ла богозра́чная, Спа́совы апо́столи, просвети́те нас во тьме жити́я, я́ко да во дни ны́не благообра́зно хóдим, свéтом воздержáния но́щных страсте́й отбегáюще, и свéтлыя Стра́сти Христо́вы у́зрим, ра́дующеся.

Сла́ва, други́й седален, глас тойже:

Апо́стольская двоенадеся́тице богоизбра́нная, мольбу́ Христу́ ны́не принеси́, по́стное по́прище всем преи́ти, соверша́ющим во умилéнии моли́твы, творя́щим усéрдно добродéтели; я́ко да си́це предвари́м видети́ Христа́ Бо́га сла́вное Воскресéние, сла́ву и хвалу́ принося́ще.

И ны́не, Богороди́чен:

Непостижи́маго Бо́га, Сы́на и Сло́во, несказа́нно па́че ума́ из Тебе́ ро́ждшееся, моли́, Богороди́це, со апо́стола, мир вселéнной чíстый пода́ти, и согрешéний да́ти нам пре́жде конца́ прощéние, и Царствiя Небéснаго, крайни́я ра́ди блага́сти, сподо́бити рабы́ Твоя́.

[Зде вычитываем по обычаю 2-ю статию жития.]

В четверток на утрени

Песнь 4

Таже трипеснец, глас 8:*

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Святїи апостоли, молїте Бѳга о нас.

Воздержаніем поживше, просвещенни Христовы апостоли, воздержанія время нам ходатайствы Божественными утишают.

Святїи апостоли, молїте Бѳга о нас.

Двоенадеструнный орган, песнь воспе спасительную, учеников лик Божественный, лукавая возмущая гласования.

Святїи апостоли, молїте Бѳга о нас.

Ождением духовным всю подсолнечную напоите, сушу отгнавшие многобожия, всеблаженни.

Пресвятая Богородице, спаси нас.

Смирившаяся, спаси мя, высокоудренно пожившаго, рождающая Вознесшаго смиренное естество, Дево Всечистая.

Иный трипеснец, глас и ирмос тойже: Услышах, Господи:

Святїи апостоли, молїте Бѳга о нас.

Апостольское всечестное ликостояние, Зиждителя всех молящее, проси помилovati ны, восхваляющая тя.

Святїи апостоли, молїте Бѳга о нас.

Яко делателе суще, Христовы апостоли, во всем мире Божественным словом возделавшии, приносите плоды Ему всегда.

Святїи апостоли, молїте Бѳга о нас.

Виноград бысте Христов воистинну возлюбленный, вино бо духовное источисте миру, апостоли.

Пресвятая Троице, Боже наш, слава Тебе.

Преначальная, Сообразная, Всесильнейшая Троице Святая, Отче, Слове и Душе Святый, Боже, Свете и Животе, сохрани стадо Твое.

Пресвятая Богородице, спаси нас.

Радуйся, престоле огнезрачный, радуйся, светильниче священносный, радуйся, горю освящения, ковчеже Жизни, святых святая сене.

И паки Великаго канона ирмос и тропари.

* По обычаю ирмосы и тропари трипеснца не поются, а глаголются чтецом.